

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Zakonodavno - pravna komisija

Broj: 02/2-02-1776/25
Sarajevo, 30. 9. 2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 30.09.2025			
Org. jed.	Broj	Priloga	Vrijednost

Na osnovu člana 46. a u vezi sa članom 56. Poslovnika o radu Doma naroda Parlamenta Federacije Bosne i Hercegovine, Zakonodavno-pravna komisija Doma naroda Parlamenta Federacije Bosne i Hercegovine, na 19. sjednici održanoj 30. septembra 2025. godine, razmatrala je:

1. Prijedlog zakona o izmjenama Zakona o zaštiti od požara i vatrogastvu - hitni postupak,
2. Prijedlog zakona o izmjenama i dopunama Zakona o visini stope zatezne kamate na javne prihode - hitni postupak, i
3. Prijedlog zakona o izmjenama Zakona o prostornom planiranju i korištenju zemljišta na nivou Federacije Bosne i Hercegovine – skraćeni postupak.

Na osnovu člana 51. Poslovnika o radu Doma naroda Parlamenta Federacije Bosne i Hercegovine, Komisija podnosi Domu naroda sljedeći

IZVJEŠTAJ

1. Prijedlog zakona o izmjenama Zakona o zaštiti od požara i vatrogastvu - hitni postupak

Ustavni osnov za donošenje ovog zakona sadržan je u odredbi člana IV. 20. (1) d) Ustava Federacije Bosne i Hercegovine, kojom je predviđeno da Parlament Federacije Bosne i Hercegovine donosi zakone o vršenju funkcija federalne vlasti.

Kako se ovim zakonom regulira materija čija je osnovna funkcija zaštita života i zdravlja ljudi i imovine od požara, proizilazi da je u ovom slučaju ispunjen uslov iz odredaba poglavlja II. član 2. (1) a) i k) Ustava. Prema toj ustavnoj odredbi Federacija je dužna osigurati primjenu najvišeg nivoa međunarodno priznatih prava i sloboda, pa Federacija, po tom osnovu, ima pravo donijeti ovaj zakon i njime stvoriti uslove da se na području cijele Federacije, pod istim uslovima, može organizovati i provoditi zaštita života i zdravlja ljudi i imovine od požara.

Osim toga, ustavni osnov za donošenje ovog zakona sadržan je i u poglavlju III. član 2. tačka a) i c) Ustava Federacije BiH, jer se i one odnose na zaštitu i provođenje ljudskih prava i provođenje politike zaštite čovjekove okoline.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK I

Komisija je u općem pretresu utvrdila da su ispunjeni uslovi iz člana 186. stav 2. Poslovnika o radu Doma naroda Parlamenta Federacije Bosne i Hercegovine, kojim je propisano da po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za Federaciju.

ZAKLJUČAK II

Komisija je u općem pretresu utvrdila da postoji ustavni osnov i nema primjedbi na Prijedlog zakona o izmjenama Zakona o zaštiti od požara i vatrogastvu - hitni postupak, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

2. Prijedlog zakona o izmjenama i dopunama Zakona o visini stope zatezne kamate na javne prihode - hitni postupak

Ustavni osnov za donošenje ovog zakona sadržan je u članu III. 1. tačka c), koji je izmijenjen amandmanima VIII, LXXXIX i CVI i članu IV. A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije, a parlament Federacije, uz ostala ovlaštenja predviđena Ustavom, odgovoran je za donošenje zakona o obavljanju dužnosti federalne vlasti.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK I

Komisija je u općem pretresu utvrdila da su ispunjeni uslovi iz člana 186. stav 2. Poslovnika o radu Doma naroda Parlamenta Federacije Bosne i Hercegovine, kojim je propisano da po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za Federaciju.

ZAKLJUČAK II

Komisija je u općem pretresu utvrdila da postoji ustavni osnov i nema primjedbi na Prijedlog zakona o izmjenama i dopunama Zakona o visini stope zatezne kamate na javne prihode - hitni postupak, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.

3. Prijedlog zakona o izmjenama Zakona o prostornom planiranju i korištenju zemljišta na nivou Federacije Bosne i Hercegovine – skraćeni postupak

Ustavni osnov za donošenje ovog zakona sadržan je u članu III.1. tačka b), koji je izmijenjen amandmanima VIII, LXXXIX i CVI na Ustav Federacije Bosne i

Hercegovine, i članu IV. A 20. (1) d) Ustava Federacije Bosne i Hercegovine, kojima je propisano da je u isključivoj nadležnosti Federacije, između ostalog, utvrđivanje ekonomske politike, uključujući planiranje i obnovu, te politiku korištenja zemljišta na federalnom nivou.

Nakon uvodnog izlaganja vođena je rasprava u kojoj su učestvovali članovi Komisije, te usvojili sljedeći

ZAKLJUČAK I

Komisija je u općem pretresu utvrdila da su ispunjeni uslovi iz člana 164. Poslovnika o radu Doma naroda Parlamenta Federacije Bosne i Hercegovine, kojim je propisano da kada nije u pitanju složen i obiman zakon, podnositelj prijedloga zakona može umjesto nacrtu da podnese prijedlog zakona i da predloži da se prijedlog zakona razmatra po skraćenom postupku bez nacrtu zakona.

ZAKLJUČAK II

Komisija je u općem pretresu utvrdila da postoji ustavni osnov i nema primjedbi na Prijedlog zakona o izmjenama Zakona o prostornom planiranju i korištenju zemljišta na nivou Federacije Bosne i Hercegovine – skraćeni postupak, te predlaže Domu naroda da naprijed pomenuti Prijedlog zakona razmotri i usvoji u tekstu kako je i predložen.



**ZAMJENIK
PREDSJEDNIKA KOMISIJE**

Mladen Simić, s.r.